

þjer hafið tekið fram, eigi að eins sálusorgarar safnaðarmanna, heldur og að mörgu leyti 128.
 embættismenn landsstjórnarinnar, og er þetta eitt nóg til þess, að eigi tjáir að fela 28. júní.
 söfnuðunum aðalráð á veitingum prestsembættanna. Auk þess er það, að meðan sama
 stjórn skal kirkjumálum stýra sem öðrum málefnum landsins, verður yfir höfuð að telja
 það óráðlegt, að slíta þetta atriði, sem er einn af hinum helztu liðum í núverandi skipu-
 lagi kirkjunnar, út úr samhengi sínu við þær aðrar ákvarðanir, sem það stendur í nánu
 («organisk») sambandi við. Skyldi hins vegar sú raun á verða, að þörf beri til að veita
 kirkjunni sjerstakt fulltrúaping (kirkjuráð eða því um líkt), þá myndi tími rjettur til
 kominn að taka slíkt mál til ihugunar, sem það, er hjer ræðir um. En þangað til unnt
 verður að koma slíkri endurbót á skipulag kirkjumálanna, verður allt um það nauðsyn-
 legt að halda skipulagi því, sem nú er, óbreyttu í öllum aðalatriðum, og að stjórnarvald
 það, er ábyrgðina ber á því, að kirkjumálunum sje viðunanlega og hagkvæmlega stýrt,
 fái framvegis að hafa ráð til þess, að fullnægja þessari skyldu sinni. En af þessu leiðir,
 að stjórnin verður, eins og hingað til, að ráða veitingu embætta í þjóðkirkjunni, svo að hún
 geti gætt þess, að sá sem andlegt embætti er veitt, hafi eigi að eins almenna lögboðna hæfi-
 legleika, heldur sje og lagaður til að gegna því sjerstaka embætti, sem honum verður á
 hendur falið. Fyrir því verður stjórn landsins einni trúandi, að dæma um þetta, því
 að hún ein mun nægilega til þekkja, bæði prestastjettarinnar í heild sinni, og til hvers
 af stjettinni um sig, og þannig vera fær um að taka hæfilegt tillit, bæði til þarfa em-
 bættisins, og til hæfilegleika hvers um sig af umsækjöldum; hinsvegar hlýtur kunnugleiki
 safnaðanna á umsækjöldum ávallt að verða mjög ófullkominn, einkanlega á Íslandi,
 þar sem hin mikla víðátta landsins mun tálma því, að söfnuðirnir geti kynnt nánar
 umsækjöldum þeim, er í hlut eiga, og hlytu því úrslit kosningarinnar að miklu leyti að
 verða undir hendingu komin.

Samkvæmt því, sem þannig er tjáð, hefir ráðgjafinn eigi sjeð sjer ført að mæla
 fram með frumvarpi þessu til allra-hæstu staðfestingar, og það því síður, sem lög 27.
 febrúar 1880 um stjórn safnaðamála o. s. frv. hafa þegar veitt söfnuðunum á Íslandi
 meiri áhrif á veitingar prestsembætta, en nokkrum öðrum söfnuðum í ríkinu eru heimilud.
 Samkvæmt þessu lagði ráðgjafinn það allra-þegnsamlegast til, að frumvarpi þessu yrði
 synjað staðfestingar, og þóknadist hans hátign konunginum 16. þ. m. allramildilegast að
 fallast á þessa tillögu.

Það er eigi látið hjá liða þjónustusamlega að tjá yður, herra landshöfðingi,
 þetta til þóknanlegrar leiðbeiningar og birtingar í B-deild stjórnartíðindanna.

— Brjef ráðgjafans fyrir Ísland til landshöfðingja um gjaldskyldu útlendra skipa, 129.
 er farm taka af öðrum útlendum skipum í landhelgi. — Í þóknanlegu brjefi 19. f. m. 28. júní.
 hafið þjer, herra landshöfðingi, borið undir ráðgjafann fyrirspurn frá sýslumanninum í
 Sudur-Múlasýslu um það, hvort lög 4. nóv. f. á. um útflutningsgjald af fiski og lýsi m. fl.
 nái til fiskiveiða útlendinga, einkum þá er svo á stendur, að útgjörðarmennirnir senda
 skip upp, sem taka við aflanum af fiskiskipunum þannig, að fiskiskipin eru affermd og
 hin fermd inni á fjörðum á Íslandi; hafið þjer í ljósi látið, að spurningu þessari myndi
 bera að svara neitandi, en jafnframt skotið úrlausninni til úrslita ráðgjafans. Af tilefni
 því, er mál þetta gaf til þess, hafið þjer og í ljósi látið það álit, að ekkert myndi því
 til fyrirstöðu, að útlend skip leiti hafnar í landhelgi, til að umferma á þennan hátt.

Út af þessu skal jeg eigi láta hjá liða, að tjá yður þjónustusamlega, til þóknan-

129. legrar leiðbeiningar, og svo að þjer kunngjörð það, að ráðgjafinn er samdóma yður í því, að svára beri spurningu þeirri, er áður er getið, á þann hátt, sem þjer hafid á vikið.

130.

6. júlí.

Reglugjörð.

Samkvæmt 8. grein í lögum um útflutningsgjald á fiski og lýsi o. fl. 4. nóvbr. 1881 skulu reglur þær, er hjer segir, settar um það, hversu sýslumenn og bæjarfógetar skuli árlegan reikning gjöra fyrir innheimtu útflutningsgjaldsins.

1. gr.

Við lok hvers reikningsárs (31. desbr.) skal hver lögreglustjóri (sýslumaður eða bæjarfógeti) semja nákvæman reikning um gjald það, er hann hefir inn heimt í lögsagnarumdæminu, samkvæmt lögum um útflutningsgjald á fiski og lýsi o. fl. 4. nóv. 1881, og skal hann senda landshöfðingja reikning þenna með fyrstu pósthferð, er þar á eptir fellur til Reykjavíkur.

Nú hefir eitthvert ár ekkert útflutningsgjald innheimzt í einhverju lögsagnarumdæmi, og skal lögreglustjóri þá skyldur að senda landshöfðingja með tjeðri pósthferð neitunar-vottorð um þetta.

Skyldur er reikningshaldari þar að auki til að senda landshöfðingja með fyrstu pósthferð hálfmissisris hvers reiknings-ágríp um útflutningsgjald það og sektarfe, er hann hefir inn heimt síðustu þrjá mánuðina samkv. l. 4. nóv. 1881, og skal reikningshaldari votta á reikningnum, að fleiri eða aðrar tekjur hafi eigi til fallið landssjóði á því tíma-bili, samkvæmt lögum 4. nóv. f. á.; en í reiknings-ágrípinu skal grein fyrir því gjör, hversu tekjur þessar sje í landssjóð greiddar. En í því efni skal það brýnt fyrir reikningshöldurum, að það er gildandi regla, að þeir eru skyldir til að senda tekjur þær, er þeim gjaldast í peningum, í jarðabókarsjóð með fyrstu pósthferð, eptir að gjaldheimtuþjónninn hefir veitt þeim viðtöku o: um leið og skip það, er í hlut á, er afgreitt eptir 3. gr. laganna; og sje gjaldið greitt með ávísun upp á verzlunarhús í Kaupmannahöfn, sem gjaldheimtumaðurinn álitur áreiðanlegt, skal hann senda landshöfðingja hana í brjefi, sem með er mælt, með fyrstu pósthferð eptir að hún er gefin út, en slík ávísun verður að vera svo stíluð, að hún verði borguð um leið og hún er sýnd, eða í síðasta lagi 8 dögum eptir það.

2. gr.

Reikninginn yfir útflutningsgjaldið skal semja eptir þessari fyrirmynd:

Reikningur

yfir útflutningsgjald af fiski og lýsi o. fl. innheimt í lögsagnarumdæmi
árið 18

Tekjur:

Útgjöld:

Upphæð útflutningsgjaldsins í hverju- um ársfjórðungi.	Kr.		Hvernig og hvenær gjaldið er afgreitt.	Kr.	
	aur.			aur.	
Samtals			Innheimtulaun 2% af kr. a.		
			Samtals		

Það vottast hjer með, að frá 1. janúarmánadar til 31. desembermáadar 18 hafa landssjóði ekki tilfallið neinar aðrar eða meiri tekjur, hvorki af útfluttum fiski nje lýsi, nje öðrum gjaldskyldum fiskiföngum eptir lögum 4. nóvembermán. 1881 innan lögsagnarumdæmis

en tilgreindar eru í ofanrituðum reikningi.

dag

mán. 18